



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 68. Lodunensis Bearnensium Hugonotarum conventus contra Regis edictum.

---

[urn:nbn:de:hbz:466:1-67326](https://nbn-resolving.de/urn:nbn:de:hbz:466:1-67326)

Sæc. XVII.  
A. C. 1620.

§. LXVIII.

*Lodunensis Bearnensium Hugonat-  
rum conventus contra Regis  
edictum.*

Attamen tantum aberat, ut Hugono- *Serran. Hist.*  
tæ Bearnenses Regis edictum, quo *Franc. p. 958.*  
hanc Provinciam Gallicæ coronæ con- *Gramond.*  
jungi, & fidem Catholicam revocari cau- *l. c.*  
tum erat, exequi cogitarent, quin etiam *Brachel. Hist.*  
frivolis ex rationibus Bearnenses Sena- *nost. temp.*  
tores Regiæ intentioni adversarentur, *lib. 1.*  
morasque ex moris trahentes, Regia *Jæger Hist.*  
mandata eludere niterentur: Cum autem *Eccl. l. II.*  
Rex per suos Legatos executionem *cap. 13.*  
edicti urgeret, Forcæus, cui summa  
in Bearnenses auctoritas, edictum in  
proximo Lodunensi conventu accepta-  
tum iri respondit, interim vero non fuit  
ullum injuriarum & convitiorum genus,  
quo Regii Legati a petulantibus Cal-  
vinistis ibidem non fuerint affecti: con-  
clamat alii ad arma, ex factiosissimis  
civibus leguntur rebellionis Duces, con-  
citatur ad seditionem populus, atque  
in criminis societatem vocantur quoque  
Aquitani, Pictones, & Narbonenses  
Calvinistæ. Postea Loduni celebra-  
tur sectæ comitia, accurrit ex singu-  
lis Provinciis tres Legati, primus ex  
Nobilibus, alter ex Prædicantibus,

Rr 3 ter-

Sæc. XVII. tertius ex plebe delectus, quorum nu-  
A. C. 1620. merus ad octoginta novem ascenderat.

Datur conventui initium, atque a singulis exigitur juramentum de Concilii arcanis nulla ex caussa revelandis, ac de Ecclesiarum reformatarum commendo & augmento pro viribus procurando. Postmodum Lescunus Bearnensis Senator, ac præcipuus rebellionis fautor, vir seditiosus & audax congregatis exposuit, quod Catholicæ Religionis Ecclesiastici in possessionem bonorum, quæ ablata fuissent, restitui nullatenus possent, si vero, addebat temerarius hic Calvinista, contra Rex insliterit, in armis remedium erit, & quilibet conatus, qui nostræ libertati oblutabitur, pro tyrannide habendus est. Hoc seditionis claf-  
fico animati Calvinistæ, præprimis in suo Conciliabulo sequentes septem articulos Regi proponendos concepere:

- I. Abrogandum edictum, quod est de restituendis Clero, quæ Reformati in Bearnia possident: quodsi in præsens abrogari nequeat, ejus executio in suspeso habenda, donec plenius liqueat.
- II. Securitatis urbes, maxime quas in Delphinatu possidemus, novo nobis diplome in futurum confirmandæ sunt.
- III. Substituendum Fontaralio in præsens Catholico Romano, quem Comitia dixerint procurandæ Lectoræ.

IV. Ex

IV. *Ex formula Lodunæi editi, duo e Re-* Sæc. XVII.  
*formatis Parlamento Lutetiano adscri-* A. C. 1620.  
*bendi sint.*

V. *Duo item in Parliamentis Lutetiano, &*  
*Divionensi procuratorum fisci substi-*  
*tuantur.*

VI. *Tartasii illata Reformatis injuria ex*  
*bono & æquo resarcienda.*

VII. *Exusium a Catholicis Burgi ad Se-*  
*busianos templum, propriis illorum, aut*  
*Regis sumptibus reficiendum erit.*

In eodem conventu de armorum so-  
ciitate cum exteris Principibus ineun-  
da agitatum erat, simulque inter eos  
tacita lege conventum, quod quidem  
specietenus se pronos in Regis ob-  
sequium ostendere vellent, priusquam tam-  
men Rex his articulis subscriptisset, con-  
ventum solvere nollent: Re ita inter se  
transacta, Curelium. Buteroum, &  
Maynium ad Regem ablegabant, qui  
unacum libello supplici hæc petitionum  
capita eidem offerrent. His vero per-  
lectis Rex reposuit, facturum se satis,  
si ex fide data statim conventus dissol-  
veretur, ac in suam quisque domum se-  
se reciperet, si vero diutius persistenterint,  
pro quietis publicæ perturbatorib[us] ha-  
bendos, ac proscriptione bonorum ple-  
ctendos esse. Tum enim primum Rex  
ex petulantibus eorum postulatis didi-  
cerat, quam sibi, suoque Regno exitia-

Calmet Hist.  
Univ. l. 151.

Rr. 4

lis

Sæc. XVII. lis exstiterit intempestiva sua conven-  
A. C. 1620. tum cogendi concessio, utpote quem  
in id unice intenti petiissent, ut om-  
nes Provincias sub communis caussæ  
obtentu in Regis excidium ad rebellio-  
nem concitare valerent. Cum autem  
Regi nuntiatum esset, quod congregati  
Calvinistæ Loduni in conventu suo, do-  
nec Rex eorum petitis annuisset, se sub-  
stituros declarassent, ac insuper omni-  
bus Provinciarum Syndicis præcepis-  
sent, quod nulla Regis, Regiique Se-  
natus edicta, quibus Bearnensis Pro-  
vincia Gallico Imperio unienda decer-  
neretur, executioni darent, hinc Lu-  
dovicus Rex Marescottum, & Maye-  
nium ad eos ablegabat, qui obstinatos  
hosce hæreticos, vel oblata spe veniæ,  
vel poenæ metu ad officium redigerent.  
Ast contumaces perstant Sectarii, ne  
tamen primi bellum denuntiassè vide-  
rentur, dissimulandæ contumaciæ nova  
suorum delegatione Regi illudunt, ac  
jam sæpius proposita ad nauseam re-  
petunt. Rex tandem, ne per intem-  
pestivam patientiam simul conscientiam,  
auctoritatemque Regiam læderet, eis  
respondit, *Majestatis læsæ reos fore, si*  
*una diutius perstiterint: dein Calvinistis*  
*in suis comitiis pertinacius subsistenti-*  
*bus, edito diplomate hunc eorum con-*  
*ventum omnino illegitimum, cunctos-*  
*que,*

que, qui eidem adhæserint, perduelles Sæc. XVII.  
fore pronuntiabat: Sub idem tempus A.C. 1620.  
Lediguerius, & Castillonius, præcipua  
sextæ capita, Parisiis agebant, qui pla-  
cando Regi communibus suffragiis in-  
cumbentes, Calvinistarum postulata ad  
hæc tria capita, de Senatoribus affu-  
mendis, Lectora restituenda, & de se-  
curitatis urbibus redigebant, eaque so-  
luto conventu a Rege subscribi petebant:  
Ad hæc Rex, post semestre facturum  
se satis reposuit.

### §. LXIX.

#### *Ludovici XIII. Regis expeditio in rebelles Calvinistas Bearnenses.*

Verumtamen nequidem expectato hu- *Gramond.*  
jus semestris decursu Vivarienses *l. c.*  
Calvinistæ primi arma corripiuere, ex *Daniel hist.*  
quorum perfidia ingens postmodum *de France*  
belli incendium adversus Regem exar-*tom. 10.;*  
sit; quippe, inquit Gramondus, *pars est*  
*nouæ sextæ, odiſſe Principes, quibus natu-*  
*ra debetur obsequium, adeo in statum popu-*  
*larem inclinant hæreticorum ætatis nostræ*  
*studia. Semper Calvinistis rudimenta fue-*  
*re, deſtructio & ruina Principum. Te-*  
*ſtes Ordines Batavi, qui exacto Sæculo Re-*  
*gum pertæſi, excuſſere Hispanum jugum,*  
*gens hodie facto ſuo libera: testis Geneva*  
*olim Ducis Sabaudi feudum illuſtre, cui*

Rr 5 deces-